



## Način kupanja nakon džunupluka

Mejmuna, majka pravovjernih, radijallahu 'anha, kaže: "Pripremala sam Vjerovjesniku, sallallahu alejhi ve sellem, vodu da se okupa. Polio je ruke vodom i oprao ih, zatim je polio desnom rukom po lijevoj, a onda oprao spolni organ. Nakon toga je rukom protrljao po zemlji, a onda ju je oprao. Zatim je isprao usta i nos, umio lice i oprao ruke. Onda je vodom polio po glavi i tijelu. Potom se malo pomaknuo ustranu i oprao noge. Dodala sam mu peškir (odjeću), ali ga nije uzeo, nego je otresao vodu sa tijela."

[Vjerodostojan] [Muttefekun alejh]

Majka vjernika Mejmuna, neka je Allah zadovoljan s njom, nas je obavijestila o načinu na koji se Poslanik, sallallahu alejhi ve sellem, kupao od džunupluka. Naime, ona mu je pripremila vodu da se okupa, i prekrila ga zavjesom. Poslanik, sallallahu alejhi ve sellem, učinio je sljedeće: Prvo: Polio je vodu na svoje ruke i oprao ih prije nego što ih je uronio u posudu. Drugo: Sipao je vodu desnom rukom na lijevu i oprao svoj spolni organ kako bi ga očistio od tragova džunupluka. Treće: Protrljao je rukom po zemlji, a potom ju je obrisao, a zatim oprao kako bi uklonio nečistoću s nje. Četvrto: Ispirao je usta tako što bi vodu stavio u usta, izmućkao, a zatim bi je ispljunuo. Također bi ispirao nos, ušmrkao bi vodu u nos, zatim ju je izbacivao da bi ga očistio. Peto: Oprao je lice i svoje ruke. Šesto: Polio bi vodu po glavi. Sedmo: Polio bi vodu po ostatku tijela. Osmo: Premjestio se s mjesta gdje se kupao i oprao je svoje noge na drugom mjestu. Zatim mu je donesena krpa da se njom obriše, ali je nije uzeo. Umjesto toga, rukom bi brisao vodu s tijela i otresao je.

<https://sunnah.global/hadeeth/bs/show/3310>

